



Broj: 05-04-20-3970-4/23  
Maglaj, 17.01.2024. godine

Na osnovu člana 70. Zakona o javnim nabavkama („Službeni glasnik BiH“, br. 39/14 i 59/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponude, broj 05-04-20-3970-3/23 od 09.01.2024. godine, u postupku javne nabavke „Izvođenje radova na rekonstrukciji postojeće sekundarne vodovodne mreže Bijela Ploča, općina Maglaj, Općinski načelnik donosi

## ODLUKU o izboru najpovoljnijeg ponuđača

### I

Prihvata se preporuka komisije za javne nabavke i ugovor za Izvođenje radova na rekonstrukciji postojeće sekundarne vodovodne mreže Bijela Ploča, općina Maglaj, dodjeljuje se ponuđaču „Hajdić“ d.o.o. Maglaj, u skladu sa ponudom broj 01/24 od 05.01.2024. godine, po ukupnoj cijeni od 140.534,35 KM bez PDV-a, odnosno 164.425,18 KM sa PDV-om.

### II

Ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

### III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

## Obrazloženje

Odlukom o pokretanju postupka, broj 05-04-20-3970/23 od 15.12.2023. godine, pokrenut je postupak javne nabavke „Izvođenje radova na rekonstrukciji postojeće sekundarne vodovodne mreže Bijela Ploča, općina Maglaj“, otvoreni postupak. Predmetna javna nabavka objavljena je na Portalu javnih nabavki, Obavještenje o nabavci broj 1140-1-3-132-3-84/23 od 15.12.2023. godine, čiji je sažetak objavljen u „Službenom glasniku BiH“, broj 86/23. Kriterij za dodjelu ugovora je ekonomski najpovoljnija ponuda.

Predmetni postupak je provela Komisija za javne nabavke, imenovana Odlukom broj 05-45-1-875/23 od 22.05.2023. godine i Odlukom o izmjeni i dopuni Odluke o imenovanju Komisije za javne nabavke broj:05-45-1-875-2/23 od 13.11.2023.godine, gdje se dodaje još jedan član ispred Ministarstva za poljoprivredu, šumarstvo i vodoprivredu Ze-do kantona. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila sljedeće:

Blagovremeno su zaprimljene dvije ponude. Neblagovremenih ponuda nije bilo.

r/b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Hajdić” d.o.o. Maglaj	Misurićobb	05.01.2024. 08,24h	58
2.	Konzorcij “Dževkomerc” d.o.o. Zavidovići i “DKM Gradnja” d.o.o. Maglaj	Dubravački put bb Zavidovići Viteška bb Maglaj	05.01.2024.08,36 h	59

Zaprimljene ponude su prihvatljive prema formi, obliku i potpunosti, odnosno dostavljene su u zatvorenoj koverti, na kojoj su bili navedeni svi podaci traženi tenderskom dokumentacijom.

Ponuda ponuđača „Hajdić“ d.o.o. Maglaj ocijenjena je prihvatljivom, budući da ispunjava zahtjeve u pogledu forme, predmeta nabavke i ostale uslove tražene tenderskom dokumentacijom.

Ponuda ponuđača Konzorcij “Dževkomerc” d.o.o. Zavidovići i “DKM Gradnja” d.o.o. Maglaj ocijenjena je neprihvatljivom, budući da ne ispunjava uslove iz tenderske dokumentacije koji se odnose na predmet nabavke. Kako je Komisija konstatovala u Zapisniku o pregledu i ocjeni ponuda, propusti se ogledaju u sljedećem:

Ugovorni organ je na Portalu javnih nabavki dana 29.12.2023. godine dostavio Tendersku dokumentaciju i ispravku tenderske dokumentacije i to Anex 2 Predmjer radova, u kojem je došlo do ispravki, a koji je bio validan za dostavljanje ponuda u ovoj javnoj nabavci.

Dakle, ponuđači su bili u obavezi da prilikom dostavljanja ponuda, dostave svoju ponudu na ispravljenoj tenderskoj dokumentaciji Anex 2 Predmjer radova od 29.12.2023. godine, koji je ponuđač “Dževkomerc inženjering” d.o.o. Zavidovići, koji je i nosilac posla u konzorciju “DKM Gradnja” d.o.o. Maglaj i “Dževkomerc inženjering” d.o.o. Zavidovići, preuzeo sa portal javne nabavke dana 29.12.2023. godine u 20:37:02 sati, što je vidljivo iz Izvještaja o preuzimanju tenderske dokumentacije od strane ponuđača a i putem maila koji je dostavljen na adresu operatera, isti dan u isto vrijeme, što se vidi iz priloženog dokaza.

Dakle ponuđač konzorcij “DKM Gradnja” d.o.o. Maglaj i “Dževkomerc inženjering” d.o.o. Zavidovići, je trebao prilikom izrade ponude istu dostaviti na ispravljenoj tenderskoj dokumentaciji Anex –2 Predmjer radova od 29.12.2023. godine.

Obavještenje da je došlo do izmjene tenderske dokumentacije u ovom postupku javne nabavke, putem maila, došlo je svim ponuđačima koji su ranije izuzeli tendersku dokumentaciju.

Dakle ponuđač Dževkomerc inženjering d.o.o. Zavidovići i DKM Gradnja d.o.o. Maglaj su o tome obavješteni, gdje je ponuđač Dževkomerc inženjering d.o.o. Zavidovići izuzeo ispravljenju tendersku dokumentaciju od 29.12.2023. godine, a ipak je u ponudi dostavljen Predmjer radova Anex - 2 koji je bio na Portalu javne nabavke ranije objavljen i koji je izmjenjen dana 29.12.2023. godine, što znači da više nije bio validan.

Samim tim ponuda ponuđača konzorcij “DKM Gradnja” d.o.o. Maglaj i “Dževkomerc inženjering” d.o.o. Zavidovići nije validna, jer nije dostavljena ponuda na ispravljenoj

tenderskoj dokumentaciji od 29.12.2023.godine odnosno ispravljenom Predmjeru radova Anex - 2, za radove koje je ugovorni organ tražio u ovom postupku javne nabavke.

Imajući u vidu naprijed navedene razloge, ponuda ponuđača Konzorcij "Dževkomerc"d.o.o. Zavidovići i "DKM Gradnja"d.o.o. Maglaj je odbijena, jer ne ispunjava zahtjeve iz tenderske dokumentacije.

Posljedično, preostala je samo jedna prihvatljiva ponuda – ponuda ponuđača „Hajdić“d.o.o. Maglaj, te je Komisija dala prijedlog rukovodiocu ugovornog organa da sa navedenim ponuđačem zaključi ugovor, cijeneći da isti ispunjava sve uslove tražene tenderskom dokumentacijom, da dostavljena ponuda formom i sadržajem odgovara zahtjevima iz tenderske dokumentacije, kao i činjenicu da ponudena cijena nije viša od procijenjene vrijednosti, tj. osiguranih sredstava za ovu nabavku.

r/b	Naziv ponuđača	Cijena / KM bez PDV-a	Cijena / KM sa PDV-om
1.	"Hajdić" d.o.o. Maglaj	140.534,35	164.425,18

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, a imajući u vidu navedeno, kao i činjenicu da je kriterij za dodjelu ugovora u predmetnom postupku ekonomski najpovoljnija ponuda, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka a) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema Odluke.

**DOSTAVLJENO:**

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



